

書名 春秋經傳集解三十卷 慶長中古活字印本
撰者 晉 杜預 撰
卷 卷二十七
內容分類 經-春秋-春秋左傳-晉
索書號 貴重-25
編號 A 293300

卷二十七

春秋經傳集解隱公第一

杜氏 盡十一年

傳

惠公元妃孟子

言元妃明始適孟子卒

不

稱

薨不成喪也無諡先

繼室以聲子生隱公

聲

也蓋孟子之姪娣也諸侯始娶則同姓之國

謂稱宋武公生仲子仲子生而有文在

其為魯夫人故仲子歸于我婦人謂嫁

成字有右生桓公而惠公薨言歸魯

彩色首頁1

東洋文化研究所漢籍目錄 編號: A 293300

東洋文化研究所漢籍目錄所藏漢籍善本文影像資料庫 索書號: 貴重-25

漢籍善本文影像資料庫文本春秋經傳集解三十卷 慶長中古活字印本

版權所有: 東京大學 東洋文化研究所

使用上的注意事項

所究研京東院學化文方東

No. 141

1
2
3
4
5
6
7
8
9
5

不 許 複 製

NOT TO BE REPRODUCED

東京大学東洋文化研究所



東山書院藏書
圖

春秋經傳集解定上第二十七

杜氏 盡七年

經 元年春王公之始年而不書正月公即位在六月故三月晉人

執宋仲幾于京師晉執人于天子之側而不以歸京師故但書其執不

書所夏六月癸亥公之喪至自乾侯告於廟故書至

戊辰公即位定公不得以正月即位失其時故詳而日之記事之宜無義例

秋七月癸巳葬我君昭公公在外薨故九月

大雩無傳過也立煬宮煬公伯禽子也其廟已毀季氏禱之而立其宮書以

譏冬十月隕霜殺菽無傳周十月今八月

傳元年春王正月辛巳晉魏舒合諸侯之大

失于狄泉將以城成周魏子蒞政蒞臨也代天子大夫

為政衛彪傒衛大夫曰將建天子立天子之居而易位

以令非義也大事奸義必有大咎晉不失諸

侯魏子其不免乎是行也魏獻子屬役於韓

簡子及原壽過簡子韓起孫不信也原壽過周大夫而田於大

陸焚焉禹貢大陸在鉅鹿北嫌絕遠疑此田在汲郡吳澤荒蕪之地火田并見燒

也平日陸雅廣遂卒於寧寧今脩武縣近吳澤范獻子去其

柏榑以其未復命而田也范獻子代魏子為政去其柏榑示貶

之孟懿子會城成周不書公未即位庚寅裁裁設宋

仲樂不受功曰滕薛邠吾役也欲使三國代宋受功役也

邠小邾薛寧曰宋為無道絕我小國於周以我

適楚故我常從宋晉文公為踐土之盟在僖二十

年八曰凡我同盟各復舊職若從踐土若從宋

亦唯命仲樂曰踐土固然固曰從舊薛薛寧

曰薛之皇祖奚仲居薛以為夏車正

皇大也奚仲為

夏禹掌車服大夫

奚仲遷于邳

邳下邳縣

仲虺居薛以為

湯左相

仲虺奚仲之後

若復舊職將承王官何故以

役諸侯

承奉也言

仲樂曰三代各異物薛焉得有

舊

言居周世不得以夏殷為舊

為宋役亦其職也士彌牟

曰曹之從政者新

言范獻子新為政未習故事

子始受功

歸吾視諸故府

求故

仲樂曰縱子忘之山川

鬼神其忘諸乎

山川鬼神盟所告

士伯怒謂韓簡子

曰薛微於人

典籍故事人所知也

宋徵於鬼

取證於鬼神

宋

罪大矣且已無辭而抑我以神誣我也啓寵

納侮其此之謂矣

開寵過分則納受侵侮

必以仲樂為

戮乃執仲樂以歸三月歸諸京師

知以歸不

之京

城三旬而畢乃歸諸侯之成齊高張後

不從諸侯

後期不及諸侯之役

晉女叔寬曰周襄弘齊

高張皆將不免

叔寬女

襄叔違天高子違人

天既厭周德襄弘欲遷都以其祿故曰違天諸侯相帥以崇天子而高子後期故曰違

入天之所壞不可支也衆之所為不可救也

為哀三年周人殺襄
公六年高張來奔起夏叔孫成子逆公之喪

于乾侯成子叔孫季孫曰子家子函言於我

未嘗不中吾志也吾欲與之從政子必止之

且聽命焉衆事皆欲諸子家子不見叔孫易

幾而哭幾哭曾也不欲見叔孫故朝夕哭不同會叔孫請見子家

子子家子辭曰羈未得見而從君以出出時成子

未為君不命而薨羈不敢見言未受昭公之命託辭以距叔

叔孫使告之曰公衍公為實使羣臣不得

事君二子始謀若公子宋主社稷則群臣之

願也宋昭公弟定公凡從君出而可以入者特唯子

是聽子家氏未有後季孫願與子從政此皆

季孫之願也使不敢以告不敢叔孫名對曰若

立君則有卿士大夫與守龜在羈弗敢知若

從君者則貌而出者入可也貌出謂以義從公與季氏無實

寇而出者行可也與季氏為寇若羈也則

君知其出也君昭公而未知其入也羈將逃也

喪及壞墮公子宋先入從公者皆自壞墮反

出六月癸亥公之喪至自乾侯戊辰公即位

諸侯薨五日而殯殯則嗣子即位癸亥昭公喪至五日殯於宮定公乃即位季孫

使役如闕公氏將溝焉闕魯羣公墓所在也季孫惡昭公欲溝絕

其北域不使與先君同榮駕駝曰生不能事死又離之

以自旌也駕鶴魯大夫榮成伯也旌章也縱子忍之後必或

恥之乃止季孫問於榮駕駝曰吾欲為君謚

使子孫知之謚為惡對曰生弗能事死又惡之

以自信也將焉用之乃止秋七月癸巳葬昭

公於墓道南孔子之為司寇也溝而合諸墓

明臣無貶昭公出故季平子禱于煬公九月

立煬宮平子逐君懼而請禱於煬公昭公周死於外自以為獲福故立其宮

鞏簡公奔其子弟而好用遠人簡公周卿士遠人異族為

明年鞏氏賊簡公張本

經二年春王正月夏五月壬辰雉門及兩觀

災無傳雉門公宮之南門秋楚人伐吳稱人

見諺以冬十月新作雉門及兩觀無傳

傳二年夏四月辛酉鞏氏之群子弟賊簡公

傳言奔親用桐叛楚桐小國廬江舒縣西南有桐鄉吳子使

舒鳩氏誘楚人舒鳩楚屬國曰以師臨我誘楚使

以師臨吳我伐桐為我使之無忌吳伐桐也偽若

而為代其叛國以取媚者也欲秋楚囊瓦伐

吳師于豫章從舒言吳人見舟于豫章為將焉

而潛師于巢擊楚冬十月吳軍楚師于豫

章敗之楚不遂圍巢克之獲楚公子繁繁守

失邾莊公與夷射姑飲酒私出射姑邾大閭

乞肉焉奪之杖以敲之奪閭杖以敲閭頭也

經三年春王正月公如晉至河乃復無傳二月

辛卯邾子穿卒再同夏四月秋葬邾莊公六

乃葬緩冬仲孫何忌及邾子盟于拔拔地

傳三年春二月辛卯邾子在門臺門上臨廷

閻以餅水沃廷邾子望見之怒閻曰夷射姑

旋焉便旋小命執之見其不繫弗得滋怒自投

于牀廢于鑑炭爛遂卒廢隋也先葬以車五乘

殉五人欲藏中之繁故先內車及莊公下急

而好繫故及是疾也秋九月鮮虞人敗晉師

於平中平中晉地獲晉觀虎恃其勇也為五年十

本冬盟于邲邲即邲也脩邲好也故脩好蔡昭侯

為兩佩與兩裘佩玉也以如楚獻一佩一裘於

昭王昭王服之以享蔡侯蔡侯亦服其一子

常欲之弗與三年止之唐成公如楚有兩肅

爽馬子常欲之成公唐惠侯之弗與亦三年

止之唐人或相與謀請代先從者許之飲先

從者酒醉之竊馬而獻之子常子常歸唐侯

自拘於司敗竊馬者曰君以弄馬之故隱君

身隱憂棄國家羣臣請相夫人以償馬必如

之相助也夫人唐侯曰寡人之過也二三子

無辱皆賞之蔡人聞之固請而獻佩于子常

子常朝見蔡侯之徒命有司曰蔡君之久也

官不共也言楚所以禮遣蔡侯之物不共備故明日禮不畢將

死遣蔡侯之禮蔡侯歸及漢執玉而沈曰余所有

濟漢而南者有若大川自誓言若復渡漢當受禍明如大川蔡

侯如晉以其子元與其大夫之子為質焉而

請伐楚為明年會召陵張本

經四年春王二月癸巳陳侯果卒無傳未同盟而赴以

名號已正月七日書二月從赴三月公會劉子晉侯宋公蔡

侯衛侯陳子鄭伯許男曹伯荀子邾子頓子

胡子滕子薛伯杞伯小邾子齊國夏于召陵

侵楚於召陵先行會禮入楚竟故書侵夏四月庚辰蔡公孫

姓帥師滅沉以沈子嘉歸殺之五月公及諸

侯盟于臯鼫召陵會劉子諸侯穆言之也繁昌縣東南有城臯亭復稱公者

會盟異處故杞伯成卒于會無傳六月葬陳惠公無傳

許遷于容城無傳秋七月公至自會無傳劉卷卒

無傳即劉蚡也劉子奉命出盟召蔡杞悼公陵死則天王為告同盟故不具魯葬杞悼公

楚人圍蔡故也不服晉士鞅衛孔圉帥師伐鮮

虞無傳孔圉孔羈孫士鞅即范鞅葬劉文公無傳冬十有一月

庚午蔡侯以吳子及楚人戰于柏舉楚師敗

績師能左右之曰以皆陳曰戰大崩曰敗績吳為蔡討楚吳從蔡討謀故書蔡侯以吳

子言能左右之也囊瓦稱人貪以致敗不能死難罪賤之柏舉楚地昭三十一年傳曰六

年十二月庚辰與其入郢楚囊瓦出奔鄭今以十一月者并數閏名書

之庚辰吳入郢弗地曰入吳不稱子史畧文

傳四年春三月劉文公合諸侯于召陵謀伐

楚也文公王官伯也晉人假王命以討楚之入留蔡侯故曰文公合諸侯晉荀

寅求貨於蔡侯弗得言於范獻子曰國家方

危諸侯方貳將以襲敵不亦難乎水潦方降

疾瘧方起中山不服中山鮮虞弃盟取怨無損於

楚晉楚同盟伐之為取怨而失中山不如辭蔡侯吾自

方城以東楚未可以得志晉敗楚侵方城祗在襄十六年

取勤焉乃辭蔡侯晉人假羽旌於鄭鄭人與

之折羽爲旌王者遊車之所建明日或旆

以會或賤者也繼旒日旆令賤人晉於是乎

失諸侯傳言晉無禮將會衛子衍敬子言於

靈公子衍敬子曰會同難難得噴有煩言莫

之治也噴至也煩其使祝佗從祝佗木公曰

善乃使子魚子魚辭曰臣展四體以率舊職

猶懼不給而煩刑書若又共二共二職微大罪

也且夫祝社稷之常隸也隸賤臣也社稷不動祝

不出竟官之制也社稷動君以軍行校社

鼓師出先有事校禱於社謂之宜社祝奉以

從奉社主也於是乎出竟若嘉好之事謂朝會君行

師從二千五百人卿行旅從五百人臣無事焉公曰

行也及臯鼬將將長祭於衛發令蔡衛侯使

祝佗私於萇弘曰聞諸道路不知信否若聞

蔡將先衛信乎萇弘曰信蔡叔康叔之兄也

蔡叔周公兄先衛不亦可乎子魚曰以先王

觀之則尚德也昔武王克商成王定之選建

明德以蕃屏周故周公相王室以尹天下正尹

也於周為睦睦盛德見親厚也分魯公以大路大

旂魯公伯禽也此大路金路錫同姓諸侯車也交龍為旂周禮同姓以封夏后

氏之璜璜美王名封父之繁弱封父古諸侯也繁弱大弓名殷

民六族條氏徐氏蕭氏索氏長勺氏尾勺氏

使帥其宗氏輯其分族將其醜類醜眾以法

則周公用即命于周即就也使六族就周受周公之法制是使

之職事于魯共魯公之職事以昭周公之明德昭顯也

分之土田陪敦陪增也敦厚也祝宗卜史大祝宗人

九四備物典策典策春秋之制官司彝器官司百官也彝器常

用器因商奄之民商奄國名也與四國流言或

之命以作禽伯禽周公世子特周公唯遣伯禽之國故皆以付伯禽而

封於少皞之虛少皞虛曲阜也分康叔康叔衛

以大路少帛績茂旂旌少帛雜帛也績茂大赤取漆草名也通帛

為旂析大呂鐘名殷民七族陶氏施氏繁氏錡

氏樊氏饑氏終葵氏封畛土略自武父以南

及圃田之北竟父畛塗所徑也暨界也武父衛北界圃田鄭藪名取於

有闢之士以共王職有闢衛所受朝宿邑蓋近京畿取於相

土之東都以會王之東蒐為湯沐邑王東巡守以助祭泰山

聃季授土聃季周公弟司空陶叔授民陶叔司徒命以康

誥而封於殷虛康誥周書殷虛朝歌也皆啓以商政疆

以周索皆魯衛也啓開也居殷故地因其風俗開用其政疆理土地以周法索法

分唐叔唐叔晉之祖以大路密須之鼓密須國名闕

鞶甲名沽洗鐘名懷姓九宗職官五正懷姓唐之餘民九宗

一姓為九族職官五正五官之長命以唐誥而封於夏虛唐誥

誥命篇名也夏虛大啓以夏政亦因夏風俗夏今大原晉陽也

彊以戎索大原近戎而塞不與中國同故自以戎法三者皆叔也

而有令德故昭之以分物不然文武成康之

伯猶多而不獲是分也唯不尚年也管蔡啓

商甚間王室甚毒也周公攝政管叔蔡叔開道紂子祿父以毒亂王室王

於是乎殺管叔而蔡蔡叔周公攝王命以討二叔蔡放也以

車七乘徒七十人與蔡叔車徒而放之其子蔡仲改行

帥德周見諸王而以為已卿士為周公臣

命之以蔡命為蔡侯其命書云王曰胡無若爾考

之違王命也胡蔡仲名若之何其使蔡先衛也武

主之母弟八人周公為太宰康叔為司寇聃

季為司空五叔無官豈尚年哉五叔管叔鮮蔡叔度成叔

武武霍叔處曹文之昭也文王子與晉武之穆

也武王曹為伯甸非尚年也以伯爵居今將

尚之是及先王也晉文公為踐土之盟衛成

公不在夷叔其母弟也猶先蔡踐土召陵二會經書蔡在

衛上霸主以國大小之序也子魚所言盟歟之次其載書云王若曰

晉重公魯申衛武叔蔡甲午鄭捷公齊

潘昭宋王臣莒期周之宗盟異姓為後藏

在周府可覆視也吾子欲復文武之略略道也

而不正其德將如之何彘弘說告劉子與范

獻子謀之乃長衛侯於盟及自召陵鄭子太

叔未至而卒晉趙簡子為之臨甚哀曰黃父

之會在昭二十五年夫子語我九言曰無始亂無怙

富無恃寵無違同無敖禮無驕能以能驕人無復

怒復重也無謀非德非所謀也無犯非義傳言簡子能用善言

所以遂興沈人不曾于台陵晉人使蔡伐之夏蔡

滅沈秋楚為沈故圍蔡伍員為吳行人以謀

楚楚之殺卻宛也在昭二十七年伯氏之族出卻宛黨

伯州犂之孫駘為吳大宰以謀楚楚自昭王

即位無歲不有吳師蔡侯因之以其子乾與

其大夫之子為質於吳冬蔡侯吳子唐侯伐

蔡唐侯不書兵屬於吳蔡舍舟于淮汭吳乘舟從淮來過蔡而舍之

自豫章與楚夾漢豫章漢東江北地名左司馬成謂子

常曰子汭漢而與之上下汭緣也緣漢上下無使勿渡我

悉方城外以毀其舟以方城外人所舍舟環塞大隧

直轅冥阨三者漢東之隘道子濟漢而伐之我自後

擊之必大敗之既謀而行武城黑謂子常黑

武城大夫曰良用木也我用革也用軍器不可久也

不如速戰史皇謂子常楚人惡子而好司馬

史皇楚大夫若司馬毀吳舟于淮塞城口而

入城口三隘是獨克吳也子必速戰不然不

免乃濟漢而陳自小別至于大別禹貢漢水至大別南

入江然則此二三戰子常知不可欲奔知吳別在江夏界

勝史皇曰安求其事求知政事難而逃之將何所

入子必死之初罪必盡說言致死以克吳可

十一月庚午二師陳于柏舉經所以書戰二師吳楚師

闔廬之弟夫槩王晨請於闔廬曰楚无不仁

无子其臣尊有死志先伐之其卒必奔而後

大師繼之必克弗許夫槩王曰所謂臣義而

行不待命者其此之謂也今日我死楚可入

也以其屬五千先擊子常之卒子常之卒奔

楚師亂吳師大敗之子常奔鄭史皇以其乘

廣死以戰吳從楚師及清發清發水名將擊之未

樂王曰因獸猶鬪況人乎若知不免而致死

必敗我若使先濟者知免後者慕之蔑有鬪

心矣半濟而後可擊也從之又敗之楚人為

食吳人及之奔食而從之敗諸雍澁五戰及

鄢奔食食者走不陳故不在戰數已卯楚子取其妹季芊芊

我以出涉睢睢水出新城昌魏縣東南至江縣入江是楚王西走鉞

尹固與王同舟王使執燧象以奔吳師燧燒火

象尾使赴吳師驚却之庚辰吳入郢以班處官以尊卑班次處

楚王宮室子山處令尹之宮子山吳王夫既王欲攻

之懼而去之夫既王入之入令尹官也言吳無禮所以不能遂

克左司馬成及息而還息汝閉新息也敗吳

師于雍澁傷司馬先敗吳師而身被創初司馬臣闔廬故

恥為禽焉司馬嘗在吳為闔廬臣是以今恥於見禽謂其臣曰誰

能免吾首吳句卑曰臣賤可乎司馬曰我實

失子可哉失不知子賢三戰皆傷曰吾不可用也

已句卑布裳剄而裹之司馬已死截其身而

以其肯免

傳言司馬之忠壯

楚子涉睢濟江入于雲

中

入雲夢澤中所謂江南之費

王寢盜攻之以戈擊王

孫申子以背受之中肩王奔鄭鍾建負季芊

以從

鍾建楚大夫

申子徐蘇而從

以背受戈故

鄭

公辛之弟懷將弑王曰平王殺吾父我殺其

子亦亦可乎

平莫成然之子關辛也昭十四年楚平王殺成然

辛曰

君討臣誰敢讎之君命天也若死天命將誰

讎詩曰柔亦不茹剛亦不吐不侮矜寡不畏

彊禦唯仁者能之

詩大雅言仲山甫不辟強陵弱

違彊陵弱

非男也乘人之約非仁也滅宗廢祀非孝也

弑君罪應滅宗

動無令名非知也必犯是余將殺女

鬬辛與其弟巢以王奔隨吳人從之謂隨人

曰周之子孫在漢川者楚實盡之天誘其衷

致罰於楚而君又竄之

竄匿也

周室何罪君若

顧報周室施及寡人以弊天衷

弊成也

君之惠

也漢陽之田君實有之楚子在公宮之北

隨公

也宮吳人在其南子期似王子期昭王兄逃王公子結也

而已為王曰以我與之王必免隨人卜與之

不吉乃辭吳曰以隨之辟小而密邇於楚楚

實存之世有盟誓至于今未改若難而棄之

何以事君執事之患不唯一人楚王一人若鳩楚

竟敢不聽命吳人乃退鳩安集也鑑金初官於子

期氏實與隨人要要言無以楚王與言王使

見王喜其意欲引見之以辭曰不敢以約為

利此約謂要言也此一時之事非為王割子

期之心以與隨人盟當心前割取血初伍員

與申包胥友包胥楚大夫其亡也謂申包胥曰我

必復楚國復報也申包胥曰勉之子能復之我

必能興之及昭王在隨申包胥如秦乞師曰

吳為封豕長蛇以荐食上國存數也言吳虐貪害如蛇豕

始於楚寡君失守社稷越在草莽使下臣告

急曰夷德無厭若鄰於君疆場之患也楚則

與秦鄰速其之未定君其取分焉與共其分楚地若楚

之遂亡君之土也若以君靈撫之世以事君

撫存恤也秦伯使辭焉曰寡人聞命矣子姑就館

將圖而告對曰寡君越在草莽未獲所伏猶伏

處下臣何敢即安立依於庭牆而哭日夜不

絕聲勺飲不入口七日秦哀公為之賦無衣

詩秦風取其王于典師脩我戈矛與子同仇與子偕作與子偕行九頓首而

坐無衣三章秦師乃出為明年包胥以秦師至張本

經五年春王三月辛亥朔日有食之無夏歸

粟于蔡蔡為楚所圍飢於越入吳於登六月

丙申季孫意如卒秋七月壬子叔孫不敢卒

無傳冬晉士鞅帥師圍鮮虞

傳五年春王人殺子朝于楚因趙亂也終夏

歸粟于蔡以周亟矜無資西急也越入吳具在

楚也六月季平子行東野東野季氏邑還未至丙

申卒于房陽虎將以璵璠斂璵璠美玉仲梁君所佩

懷弗與懷亦季氏家臣曰改步改王昭公之出季孫行君事佩璆璠

祭宗廟今定公立復臣位陽虎欲逐之告公改君步則亦當去璆璠

山不狃不狃也不狃曰彼為君也子何怨焉不狃季氏臣費

宰子洩也為君不欲使替既葬桓子行東野桓子意如及子季孫斯

費子洩為費宰逆勞於郊桓子敬之勞仲梁

懷仲梁懷弗敬懷時從桓子行輕慢子洩子洩怒謂陽虎

子行之乎行逐懷也為下陽虎囚桓子起申包胥以秦師至

秦子蒲子虎帥車五百乘以救楚五百乘三萬七千五

人子蒲曰吾未知吳道道猶法術使楚人先與吳

人戰而自稷會之大敗夫既王于汭稷汭皆楚地

吳人獲遂射於柏舉遂射楚大夫其子帥奔徒奔徒

楚散卒以從子西敗吳師於軍祥楚地秋七月子

期子蒲滅唐從吳伐楚故九月夫槩王歸自立也

以與王戰而敗自立為吳王號夫槩奔楚為堂谿氏終傳

之言吳師敗楚師于雍滋秦師又敗吳師吳師

居麋麋地名子期將焚之子西曰父兄親暴骨

惡不能收又焚之不可前年楚人與吳戰多死麋中言不可并焚

子期曰國亡矣死者若有知也可以歆舊祀

言焚吳復楚則祭祀不廢豈憚焚之而又戰吳師敗

又戰于公壻之谿楚地名吳師大敗吳子乃歸

囚闔閭罷闔閭罷請先遂逃歸闔閭罷楚大夫

此歸言吳唯得楚一大失復失之所以不克葉公諸梁之弟后臧

從其母於吳不待而歸諸梁司馬沈尹成之子葉公子高也吳人

楚獲后臧之母楚定臧奔母而歸葉公終不正視不義乙亥

陽虎囚季桓子及公父文伯文伯季桓子從父昆弟也陽虎

欲為亂恐二子不從故囚之而逐仲梁懷冬十月乙亥殺

公何藐藐季氏族已丑盟桓子于稷門之內魯南城門

庚寅大誚逐公父歆及秦遄皆奔齊歆即秦伯也秦

適平子姑壻也傳言季氏之亂楚子入于郢吳師已歸初闔率聞

吳人之爭宮也曰吾聞之不讓則不和不和

不可以遠征吳爭於楚必有亂有亂則必歸

焉能定楚王之奔隨也將涉於成臼江夏竟陵縣西

有曰水出聊屈山西南入漢藍尹亶涉其帑亶楚大夫不與王

舟及寧王欲殺之寧安定也子西曰子常唯思舊

怨以敗君何效焉王曰善使復其所吾以志

前惡惡過也王賞闔辛王孫由于王孫圉鍾建

闔巢申包胥王孫賈宋木闔懷九子皆從王有大功者

子西曰請舍懷也以初謀王曰大德滅小怨

道也終從其兄免王申包胥曰吾為君也非

為身也君既定矣又何求且吾尤子旗其又

為諸子旗蔓成然也以有德於平王求欲無厭平王殺之在昭十四年遂逃

賞王將嫁季芊季芊辭曰所以為女子遠丈

夫也鍾建負我矣以妻鍾建以為樂尹司樂大夫

王之在隨也子西為王輿服以保路國于脾

洩脾洩楚邑也失王恐國人潰散故為聞王

所在而後從王王使由于城麋於麋築城復命子

西問高厚為弗知子西曰不能如辭言自知

辭勿城不知高厚小大何知對曰固辭不能

子使余也人各有能有不能主遇盜於雲中

余受其戈其所猶在祖而示之背曰此余所

能也脾洩之事余亦弗能也傳言昭王所以復國有賢臣也

晉士鞅圍鮮虞報觀虎之役也三年鮮虞獲晉觀虎

經六年春王正月癸亥鄭游速帥師滅許以

許男斯歸游速太子叔子二月公侵鄭公至自侵鄭

無傳夏季孫斯仲孫何忌如晉秋晉人執宋行

人樂祁犁稱行人言非其罪冬城中城無傳公為晉侵鄭故懼而

之季孫斯仲孫忌帥師圍鄆無傳何忌不言何闕文鄭貳於

齊故國之

傳六年春鄭滅許因楚敗也二月公侵鄭取

臣為晉討鄭之伐胥靡也胥靡周地也周儋翩因鄭人以作亂

鄭為之伐胥靡故晉使魯討之因鄭地取國不書歸之晉往不假道於衛

及還陽虎使季孟自南門入出自東門陽虎將逐

三相欲使得罪於鄰國舍於豚澤衛侯怒使彌子瑕追

之彌子瑕衛公叔文子老矣叔發鞏而如

公曰尤人而效之非禮也昭公之難君將以

文之舒鼎

傳文公之鼎

成之昭兆

寶龜

定之鼈鑑

鼈鑑

而以鏡為飾也今西方羌胡猶然古之遺服

苟可以納之擇用一

焉公子與二三臣之子諸侯苟憂之將以為

之質

為質求納魯昭公

此羣臣之所聞也今將以小

忽蒙舊德

蒙履也

無乃不可乎大奴之子

大奴文王

妃唯周公康叔為相睦也而效小人以弃之

不亦誣乎天將多陽虎之罪以斃之君姑待

之若何乃止

止不伐魯師

夏季桓子如晉獻鄭俘

也

獻此春取臣之俘

陽虎強使孟懿子往報夫人之

幣

虎欲困辱三相并求媚於魯故強使正卿報晉夫人之聘

晉人無享之

賤魯故不復兩設禮明經所以不備書

孟孫立于房外謂范獻

子曰陽虎若不能居魯而息肩於晉所不以

為中軍司馬者有如先君

稱先君以微其言若欲使晉必厚待

之獻子曰寡君有官將使其人

擇得其人鞅何知

焉獻子謂簡子曰魯人患陽虎矣孟孫知其

釁以為必適晉故強為之請以取入焉欲令晉人

聞虎當逃走故強設請託之辭四月己丑吳因此言以入晉今晉素知之

大子終纍敗楚舟師終纍闔廬子未獲潘子

臣小惟子二子楚舟師之帥及大夫七人楚國大惕

懼亡子期又以陵師敗于繁揚陵師陸軍令尹子

西喜曰乃今可為矣言知懼而後可治於是乎遷郢

於都而改紀其政以定楚國傳言楚賴子西以安周儋

翩率王子朝之徒因鄭人將以作亂于周儋翩

子朝餘黨鄭於是乎伐馮滑胥靡負黍狐人闕外

鄭伐周六邑在魯伐鄭取匡前於此見六月

晉闕浞戍周且城胥靡為下天王出姑猶起秋八月

宋樂祁言於景公曰諸侯唯我事晉今使不

往晉其憾矣樂祁告其宰陳寅以與公言告之陳寅

曰必使子往他日公謂樂祁曰唯寡人說子

之言子必往陳寅曰子立後而行吾室亦不

亡寅知晉政多門往必有難故使樂祁立後而行唯君亦以我為知

難而行也見通樂祁子也而行於君立以爲後趙簡子

逆而飲之酒於繇上獻楊楸六十於簡子木楊

名陳寅曰昔吾主范氏今主趙氏又有納

焉以揚楸賈禍弗可爲也已知范氏必怨將得禍然子

死晉國子孫必得志於宋以其爲國死范獻子言

於晉侯曰以君命越疆而使未致使而私飲

酒不敬二君不可不討也乃執樂祁獻子怒祁比趙

氏經所以稱行人陽虎又盟公及三桓於周社盟國

人于亳社詛于五父之衢傳言三桓微陪臣專政爲八年陽虎

作亂起冬十二月天王處于姑蘧姑蘧周地辟僖翩

之亂也爲明年單劉逆王起

經七年春王正月夏四月秋齊侯鄭伯盟于

鹹地衛齊人執衛行人北宮結以侵衛稱行人非使人

之齊侯衛侯盟于沙結叛晉也陽平元城縣東南有沙亭大雩

過也無傳齊國夏帥師伐我西鄙夏國九月大雩

過也無傳冬十月

七年春二月周儋翩入于儀栗以叛儀栗周邑

齊人歸鄆陽關陽虎居之以為政鄆陽關皆魯邑中貳

於齊齊今歸之夏四月單武少子魯公劉栢公

文公敗尹氏于窮谷尹氏復黨儋翩共為亂也秋齊侯鄭

伯盟于鹹徵會于衛也衛侯欲叛晉屬齊鄭也

諸大夫不可使北宮結如齊而私於齊侯曰

執結以侵我欲以齊師懼諸大夫齊侯從之乃盟于瑣

瑣即瑣也為明年齊國夏伐我齊叛陽虎御

季桓子公斂慶父御孟懿子慶父孟氏家臣成率公斂陽

將宵軍齊師齊師聞之墮伏而待之隨毀其軍以誘

敵而設慶父曰虎不圖禍而必死也而女莒夷

曰虎陷二子於難莒夷季氏家臣二子季孟不待有司余

必殺女虎懼乃還不敗傳言陪臣強能自相制季孟不敢有心

冬十一月戊午單子劉子逆王于慶氏慶氏守嫡

猶大晉籍秦送王已巳王入于王城已巳十月五日

日有日館于公族黨氏黨氏周大夫而後朝于莊

宮莊王廟也

春秋經傳集解定上第二十七

春秋經傳集解定下第二十八

杜氏 盡十五年

經八年春王正月公侵齊報前年伐我西鄙公至自

侵齊傳無二月公侵齊志未得三月公至自侵齊

無傳四年曹伯露卒盟臯鼫夏齊國夏帥師伐我

西鄙公會晉師于瓦瓦衛地將來救魯公逆會之東郡燕縣東北有

公至自瓦傳無秋七月戊辰陳侯柳卒無傳四年

盟臯臯晉士鞅帥師侵鄭遂侵衛兩事故葬曹